

Gielddaráđđehus

Áigi 21.10.2025 dmu 11:00 - 13:50

Báiki Hybridačoahkkín, gielddadálu váldostivrasále dahje teams-heivehus

Giedahallon áššit

§	Bajilčála	Siidu
§ 180	Čoahkkima lágalašvuohta ja mearridanváldi	3
§ 181	Beavdegirjji dárkkisteaddjiid válljen	4
§ 182	Čoahkkima bargoortnega dohkkeheapmi	5
§ 183	Dili birra oanehaččat	6
§ 184	Ruhtadili birra oanehaččat	7
§ 185	Gávpenannejeaddji giddodatluohpadanalmmuhusat ja gieldda ovdaoastinvuoigatvuođa geavaheapmi	8
§ 186	Hálddahusa ja ruhtadoalu dárkkistanbálvalusat jagiide 2025 - 2028	9
§ 187	Gieldda bohtovearroproseantta nannen jahkái 2026	10
§ 188	Giddodatvearu nannen jahkái 2026	11
§ 189	Ohcejoga gieldda bázahtusfuolahusmearrádusat	12
§ 190	Gielkáluodda Sullamintie - Mantojärvi	13
§ 191	Sámegielaide gáiddusoahpahusprošeakta 2025-2027	15
§ 192	Doaibmaorgánaid mearrádusat	17
§ 193	Áššit diehtun	18
§ 194	Ohcejoga gieldda háhkanráva	19

Oasseváldit

	Namma	Doaibma	Lassedieđut
Mielde	Tieva-Niittyvuopio Vuokko	ságadoalli	
	Moilanen Mateusz	várreságadoalli	
	Hekkanen Eemeli	lahttu	
	Länsman Vesa	lahttu	
	Länsman Lávra	lahttu	
	Länsman Nilla-Pekka	várrelahttu	
	Heikurainen Laura	várrelahttu	
	Aikio Mika	váldostivrra ságadoalli	
	Guttorm Väinö	váldostivrra I	
		várreságadoalli	
	Nordberg Aulis	váldostivrra II	
		várreságadoalli	
Eret	Tapiola Sari		
	Rasmussen Riikka		
	Niittyvuopio-Valle Laura		
	Konttinen Pirjo		
	Lukkari Sammol		
	Guttorm Urho		
	Kontio Oskari		
Eará	Kontio Päivi	gielddahoavda	
	Länsman Marja	beavdegirjedoalli	

Vuolláičállosat

	Vuokko Tieva-Niittyvuopio ságadoalli	Marja Länsman beavdegirjedoalli
Gieđahallon áššit	180 - 194	
Beavdegirji dárkkisteapmi	Ohcejogas 21.10.2025	

Eemeli Hekkanen beavdegirjedárkkisteaddji	Mateusz Moilanen beavdegirjedárkkisteaddji
--	---

Beavdegirji dollojuvvo albmosis

Gielddadállu, guovddášdoaimmahat 28.10.2025

Minna Lukkari
almmuhantávvala dikšu

Gielddaráđdehus

§ 180

21.10.2025

Čoahkkima lágalašvuohta ja mearridanváldi

Gr 21.10.2025 § 180

Mearrádusevttohus Gávnnahuvvo, ahte čoahkkin lea lágalaččat čoahkkái bovdejuvvon ja mearridanválddálaš.

Mearrádus Gávnnahuvvui, ahte čoahkkin lea lágalaččat čoahkkái bovdejuvvon ja mearridanválddálaš.

Gielddaráđdehus

§ 181

21.10.2025

Beavdegirji dárkkisteaddjiid válljen

Gr 21.10.2025 § 181

Mearrádusevttohus

Válljet čoahkkimii guokte beavdegirjedárkkisteaddji.

Mearrádus

Beavdegirjedárkkisteaddjin válljejuvvuiga Eemeli Hekkanen ja Mateusz Moilanen.

Gielddaráđdehus

§ 182

21.10.2025

Čoahkkima bargoortnega dohkkeheapmi

Gr 21.10.2025 § 182

Mearrádusevttohus

Gielddaráđdehus dohkkeha áššiid gieđahallanortnega čoahkkima áššelisttu mielde.

Mearrádus

Ságadoalli evttohii, ahte lasseáššin gieđahallo Ohcejoga gieldda háhkanráva.

Gieđahallanortnet dohkkehuvvui áššelisttu mielde ja dasa lasihuvvui lasseášši ságadoalli evttohusa mielde.

.

Gielddaráđdehus

§ 183

21.10.2025

Dili birra oanehaččat

Gr 21.10.2025 § 183

Gielddahoavda muitala áigeguovdilis áššiid birra oanehaččat

Mearrádusevttohus

Merkejuvvo diehtun.

Mearrádus

Gielddahoavda muitalii áigeguovdilis áššiid birra:

- Gielddainšenevrra rekryterema dilli
- Álbmotsuojit geavahanortnegis
- Vuodjanhálla sávdne- ja molssodanlanjaid divvunagoarta
- Dearvvasvuodaguovddáža (ovddeš seangaossodat /Seitakartano) sisáibmováttisvuodát-> giddodaga ortnetdutkan
- Giddodatvearroanalysa lea gárvánan
- Turku universitehta oktasašbargu ovdána
- Gáiddusbargolanjat máttabeale Áilegasdálus
- Guollebivdoturisma ovddideamis boahtimin bargobájit
- Njuorggáma boares skuvlla giddodagaid doaimmaid ordnen
- Ráidodállohuksema guorahallan
- Gieldda ja Lapha gaskasaš láigoráđđádallamat joatkašuvvet juovlamánus
- Alta; Årskonferanse 2025 - Nordkalotten som drivkraft
- Oahppoloatnabuhtadus baktán ollu beroštumi
- Bovdehus gieldda ovddasteaddjái Koordineringsgruppe for pukkellakstiltak i Tanavassdraget - møte 20.11.25 / buggeluossadoaimmat Deanu čázádagas ohryi

Merkejuvvojedje diehtun.

Gielddaráđdehus

§ 184

21.10.2025

Ruhtadili birra oanehaččat

Gr 21.10.2025 § 184

Mearrádusevttohus Gullat oanehaččat ruhtadili birra.

Mearrádus Gielddahoavda mitalii oanehaččat ruhtadili birra.

Merkejuvvui diehtun.

Boddu dmu 12.25-12.35. Bottu manjá ságadoalli čađahii nammačuorvuma ja gávnnavuvvui, ahte čoahkkimis leat mielde ain seamma olbmot go álgosaš nammačuorvumis.

Gielddaráđđehus

§ 185

21.10.2025

**Gávpenannejeaddji giddodatluohpadanalmmuhusat ja gieldda
ovdaoastinvuoigatvuoda geavaheapmi**

Gr 21.10.2025 § 185

Gildii leat boahtán 4 st gávpenannejeaddji
giddodatluohpadanalmmuhusa, listu
giddodatluohpadanalmmuhusain lea siidomateriálan.
Giddodatluohpadanalmmuhusat leat oaidninláhkai čoahkkimis.

Ovdaoastinlága mielde ovdaoastinvuoigatvuoda geavahettiin
mearrádussii ožžot oasti ja vuovdi ohcat nuppástusa ja váidit
hálddabusriektái.

Gieldda mearrádussii leat geavatkeahtá
ovdaoastinvuoigatvuoda ii oaččo ohcat nuppástusa váidimiin.

Mearrádusevttohus

Gielddaráđđehus merke diehtun gávpenannejeaddjiid
giddodatluohpadanalmmuhusaid ja mearrida, ahte gielda ii
geavat ovdaoastinvuoigatvuoda báikkiide, mat gullet gávpái.

Mearrádus

Evttohus dohkkehuvvui.

Gielddaráđdehus

§ 186

21.10.2025

Hálddahusa ja ruhtadoalu dárkkistanbálvalusat jagiide 2025 - 2028

Dárkldg 22.11.2024

Dárkklg 20 §

Gieldalága mielde váldostivrra bargun lea dárkkistanlávdegotti evttohusas válljet eanemustá guđa jagi áigodahkii hálddahusa ja ruhtadoalu dárkkisteami várás JHT-ruhtadoallo dárkkisteaddji. Ohcejoga gielddahálddahusa ja ruhtadoalu dárkkistanbálvalusaid dálá soahpamuš gokčá jagi 2024 ruhtadoallo dárkkisteami.

Dasgo skáhppoma obbahaddi báhcá vuollel 60.000 euro, de skáhppoma sáhtta dahkat njuolggoskáhppomiin gilvalahttima haga. Dárkkistanlávdegoddi gieđahallá njuolggoskáhppoma vejolašvuođa. Fálaldat bukto čoahkkimii.

Evttohus

Dárkkistanlávdegoddi ságastallá ja mearrida áššis.

Mearrádus

Dárkkistanlávdegoddi ságastalai hálddahusa ja ruhtadoalu dárkkistanbálvalusaid birra jagiide 2025 – 2028 ja mearridii evttohit váldostivrii, ahte BDO Audiator Oy addin fálaldat dohkkehuvvo.

Gr 21.10.2025 § 186

168/02.02.01/2025

Gielldastivrra 17.12.2024 § 64 dohkkehuvvon bušeahttadokumeanttas jahkái 2025 lea gávnnavuvon, ahte gieldda rehketdoallo dárkkisteaddjin doibme BDO Audiator Oy ja vásttolaš rehketdoallo dárkkisteaddjin Tiina Mikkonen-Brännkärr Lassin gávnnavuvvo, ahte jagiid 2025-2028 rehketdoallo dárkkisteaddjin joatká njuolggoskáhppomiin BDO Audiator Oy. Fálaldat lea oaidninláhkai čoahkkimis

Áššemeannudeaddji

Gielddahoavda Päivi Kontio

Mearrádusevttohus

Gielddaráđdehus evttoha váldostivrii, ahte dat nanne gieldda rehketdoallo dárkkisteaddjin BDO Audiator Oy jagiide 2025-2028.

Mearrádus

Evttohus dohkkehuvvui.

Gielddaráđdehus

§ 187

21.10.2025

Gieldda bohtovearroproseantta nannen jahkái 2026

Gr 21.10.2025 § 187

166/02.03.00/2025

Gieldalága 111 § mielde váldostivra galgá mearridit gieldda bohtovearroproseanttaid, giddodatvearroproseanttaid ja eará vearuid vuoduštusaid maŋimustá bušeahta dohkkeheami oktavuodas. Čuovvovaš jagi vearroproseanttaid galgá almmuhit vearrohálddahussii maŋimustá skábmamánu 17. beaivve. Gielddaid bohtovearroproseanttaid galgá meroštallat proseantta logádasa dárkilvuodain.

Jagi 2025 bohtovearru Ohcejogas lea 8,4 proseantta. Árvvoštallamiid mielde giddodatvearru jahkái 2025 čoggo sullii 2.150.000 euro.

Áššemeannudeaddji

Gielddahoavda Päivi Kontio

Mearrádusevttohus

Gielddaráđdehus evttoha váldostivrii, ahte dat nanne jagi 2026 bohtovearrun 8,9 proseantta.

Mearrádus

Evttohus dohkkehuvvui.

Gielddaráđđehus

§ 188

21.10.2025

Giddodatvearu nannen jahkái 2026

Gr 21.10.2025 § 188

167/02.03.00/2025

Giddodatvearrolága 11 § mielde váldostivra mearrida gieldda giddodatvearroproseanttaid sturrodaga lágas mearriduvvon molsašuddangaskka rájáid siste ja čuođátoasi dárkilvuodain jahkásaččat ovddalgihtii seammás, go dat nanne veaŋhanmeannudanlága mielde váriiddikšunjagi boahtovearroproseantta.

	Min.	Max.	Ohcejogas	ga.
	%	%	j. 2025	Lappis
Viesu dábálaš gv	0,93	2,00	1,30	1,31
Eanavuodu dábálaš gv	1,30	2,00	1,30	1,37
Fásta ássanviesu gv	0,41	1,00	0,65	0,53
Eará ássanviesuid gv	0,93	2,00	1,60	1,26

Fápmorusttegiid gv	-	3,10	
Huksekeahtes huksensadji	2,00	6,00	2,00

	Vearuhanárvu €	Min% €	Max% €
Viesu dábálaš gv	19.542.929,00	181.749,24	390.858,58
Eanavuodu dábálaš gv	10.340.938,00	134.432,19	206.818,76
Fásta ássanviesu gv	28.249.126,00	115.821,42	282.491,26
Eará ássanviesut	14.217.302,00	132.220,91	284.346,04
Huksekeahtes huksensadji	37.475,00	749,50	2 248,50
Oktiibuot €	72.387.770,00	564.973,26	1.166.763,14

Giddodatvearu čoggon mearri jagi 2024 lei 796.908 euro.
Árvvoštallamiid mielde giddodatvearru jahkái 2025 čoggo sullii 850.000 euro.

Áššemeannudeaddji Gielddahoavda Päivi Kontio

Mearrádusevttohus Gielddaráđđehus evttoha váldostivrii jagi 2026
giddodatvearroproseanttaid ná:
Viesu dábálaš gv 1,40
Eanavuodu dábálaš gv 1,40
Fásta ássanviesu gv 0,65
Eará ássanviesuid gv 1,60
Huksekeahtes huksensaji gv 2,00

Mearrádus Evttohus dohkkehuvvui.

Eallinfápmo- ja teknikalaš lávdegoddi	§ 104	22.09.2025
Gielddaráđđehus	§ 189	21.10.2025

Ohcejoga gieldda bázašusfuolahusmearrádusat

ealteknlg 22.09.2025 § 104

Válmmaštalli	Vd. Giddodathoavda Päivi Kontio
	Ohcejoga gielddas leat beaiváduvvon jagi 2014 bázašusfuolahusmearrádusat vástidit ođđa bázašuslága. Ohcejoga gieldda bázašusfuolahusmearrádusat leat leamašan oaidninláhkai gieldda siidduin ja gielddaolbmuide lea addon vejolašvuohta cealkit áššis ja ja virgeoapmahašgulaskuddamis.
Áššemeannudeaddji	Vd. giddodathoavda Kontio Päivi
Mearrádusevttohus	Eallinfápmo-ja teknikalaš lávdegoddi dohkkeha bázašusfuolahusmearrádusaid ja evttoha dan ain gielddaráđđehussii ja váldostivrii dohkkeheami várás. Lávdegoddi fápmuda vd. giddodathoavdda Päivi Kontio dahkat bázašusfuolahusmearrádusaide nuppástusaid vejolaš bohtán cealkámušaid mielde ovdalgo dat dolvojuvvo gielddaráđđehussii dohkkehanláhkai.
Mearrádus	Mearrádusevttohus dohkkehuvvui.

Gr 21.10.2025 § 189 § 189
63/00.01.02.00/2025

Áššemeannudeaddji	Gielddahoavda Päivi Kontio
Mearrádusevttohus	Gielddaráđđehus dohkkeha Ohcejoga gieldda ođđa bázašusfuolahusmearrádusaid ja evttoha dan ain váldostivrii dohkkehanláhkai. Gielddaráđđehus fápmuda gielddahoavdda dahkat bázašusfuolahusmearrádusaide dárbbu mielde nuppástusaid bohtán cealkámušaid mielde ovdalgo váldostivra gieđahallá ášši.
Mearrádus	Evttohus dohkkehuvvui.
Čuvvosat	Čuovus 1. Bázašusfuolahusmearrádusat

Gielkáluodda Sullamintie - Mantojärvi

Gr 21.10.2025 § 190

155/00.04.00/2025

Kakslauttanen Arctic resort Oy ja Jussi Eiramo leat almmuhan , ahte háliidit ráđđádallat Sullamintie-Mantojärvi gielkáluoddasoahpamuša sirdimis gieldda nammii. Dát lea leamaš maiddái jurdda dalle, go namuhuvvon mohtorgielkáluotta leat álgán plánet, muhto dalle leat goitge mearridan juoga sivas dahje nuppis, ahte turismafitnodatdoalli váldá mohtorgielkáluotta iežas nammii. Ággan dasa, ahte gielda livččii váldán jearaldatvuloš báikki iežas nammii, lei dat, ahte dan geavahivčče earáge Ohcejoga turismafitnodagat ja maid gieldda olbmot. Gieldda olbmot ledje lassin plánen gielkáluotta johtit Ovllá gávppi lusa Ohcejoga guovddážii.

Gielkáluottas mii manná J. Eiramo heargevuodjinsajis Máttajávrrí gáddái báhpa beitosisbartii lea J. Eiramo ja Meahciráđdehusa gaskkas gielkáluoddasoahpamuš, mii nohká 2033 jagi loahpas. Dán luotta lea vejolaš buoridit nu mo 2023 čakčat dahkkon eanageahčadeamis lea ovdanbukton.

Čakčat 2025 goaivunmašiidnaagoartabargi lea fitnan geahččamin ja fuomášahtán ahte Máttaguoikka ii dárbbas rasttildit goaivunmašiinnain numo ovdal lei plánejuvvon ja gielkáluotta ráhkadanbarggu várás bargoreaidduid sáhtá sirdit duoddara beale. Eahpečielggas goit vel lea Máttaguoikka máttabealde geassit 2024 fuomášuvvon johkaskálžu dilli. Johkaskálžu lea meroštallon hui áitatvuložin ja dat lea erenoamážit suodjaluvvon ja ráfáidahttojuvvon šládja (LSA 2023/1066, čuovus 1 ja 6) man eaktodáhtolaš goddin dahje bivdin lea gildojuvvon Johkaskálžu lea dasa lassin EU luonddudirektiivva čuovus II ja V šládja, man buorre suodjalandási ferte viggat seailluhit dahje máhcahit. Ovdalis máinnašuvvon vuodul ELY-guovddáš lea cealkán cealkámušastis, ahte jearaldatvuloš linnjemis, huksemis ja geavaheamis galgá sihkkarastit, ahte johkaskálžu ii vaháguhtto. Linnjemis galgá dasa lassin váldit vuhtii vejolaš erošuvdnariskka johkamilliin ja sihkkarastit, ahte johtolaga huksen dahje geavaheapmi ii moive čázádaga.

Jos lea dárbu rasttildit Ohcejoga huksenáigodagas, de ávžžuha, ELY-guovddáš bargoreaidduid fievrredit dallego go jogas lea jiekŋa. Jos lea dárbu rasttildit joga mašiinnain geassečázi áigge, de galgá dan viidodaga masa mašiinna váikkuhus guoská, gártet johkaskálžžuid ja sihkkarastit ahte šlája suodjalanákkat eai riskerejuvvo. Jos johkaskálžu fuomášuvvo viidodagas gosa váikkuhus guoská , galgá sihkkarastit, ahte bargomuttuin šaddan čavgaávnnašnoadđi ja moivašuvvan eai vahágahte skálžžuid.

Gielddaráđđehus

§ 190

21.10.2025

Ely-guovddášis ja Meahciráđđehusas ožžojuvvon dieđuid vuodul, Máttagoikkas eai leat johkaskálžžut gártejuvvon geassit 2025. Ášši gal ain čielggaduvvo .

Áššemeannudeaddji

Gielddahoavda Päivi Kontio

Mearrádusevttohus

Gielddaráđđehus ságastallá gielkáluotta sirdimis turismafitnodatdoallis gildii ja mearrida ságastallama vuodul joatkkadoaimbajui.

Čoahkkimis addojuvvon mearrádusevttohus

Gielddaráđđehus mearrida, ahte gielkáluotta válmmaštallan gildii jotkojuvvo čuovvovaš eavttuiguin:

- Gildii eai oaččo šaddat gielkáluotta sirdimis golut
- Vejolaš bajásdoalu galgá gokčat geavahanmávssuiguin
- lešguđetlágan ovddasvástádusáššiid gielkáluotta bajásdoalus berre čielggadit ovdal mearrádusa dahkama
- Joatkkaválmmaštallamis vástida gielddahoavda ovttas teknikalaš doaimmain
- Evttohus buktojuvvo gielddaráđđehussii njukčamánu 2026 loahpa rádjai.

Mearrádus

Čoahkkimis addojuvvon mearrádusevttohus dohkkehuvvui.

Merkejuvvui beavdegirjái, ahte ovdal mearrádusa dahkama dollojuvvui boddu dmu 13.35-13.45. Bottu maŋŋá ságadoalli čađahii nammačuorvuma ja gávnnavuvvui, ahte čoahkkimis leat mielde ain seamma olbmot go álgosaš nammačuorvumis

Čuvgehuslávdegoddi
Gielddaráđđehus

§ 82
§ 191

30.09.2025
21.10.2025

Sámegielaide gáiddusoahpahusprošeakta 2025-2027

Čuvglđg 30.09.2025 § 82

Oahpahus- ja kulturministeriija lea juolludan doarjaga Ohcejoga gieldda ja Sámedikki oktasaš, Ohcejoga gieldda hálddašan Sámegiela gáiddusoktavuođaid geavaheaddji oahpahusa pilohttaprošeavtta joatkimii áigodahkii 1.6.2025-31.7.2027. Doarjja lea dán rádjái ohccojuvvon juohke jagi, dál dasa lea juolluduvvon ruhta guovtti jahkái hávil. Doarjjasubmi lea 750.000 euro. Prošeakta dahká vejolažžan sámegielaide gáiddusoahpahusa sámeguovllu olggobealde.

Prošeavtta doarjjaproseanta lea 90 ja iežasvástuoasis vástidit Sámediggi ja Ohcejoga giela. Prošeavtta golloluoitu lea 833.333,34 euro. Iežasruhtadanoassi gokčojuvvo oahpahusmávssuin (42.000 euro) ja Sámedikki fásta bargiid bargoboađusin ja oahppamateriálain (41.333,34 euro) prošeaktii.

Sámediggái sirdojuvvon doarjaga oassi lea eanemustá 144.200 euro, mii gokčá ee. bálkáhuvvon prošeaktakoordináhtora goluid. Ohcejoga gieldda oassi doarjagis lea 605.800 euro, mainna gokčet lagamustá oahpaheaddjiid ja prošeaktajođiheaddji goluid. Lassin gildii bohtet bohtun oahpahusmávssut 42.000 euro, mainna gokčojuvvo loahppaoassi Ohcejoga gieldda prošeaktagoluin.

Ohcejoga gieldda oassi prošeavttas:

	Jahki 2025	Jahki 2026	Jahki 2027
Golut	146.000 €	323.900 €	177.900 €
Boađut	146.000 €	323.900 €	177.900 €
Netto	0 €	0 €	0 €

Áššemeannudeaddji Buresveadjinhoavda Seurujärvi Pirjo

Mearrádusevttohus Čuvgehuslávdegoddi evttoha gielddaráđđehussii ja ain váldostivrii :

1. lassemearreruđa juolludeami Sámegielaide gáiddusoahpahusprošeaktii 1.6.2025-31.7.2027 válmmaštallama mielde jahkái 2025,
2. jagiid 2026 ja 2027 várás prošeakta váldojuvvo vuhtii bušehta ráhkadeamis.
3. prošeavtta prošeaktahoavdda virgi áigodahkii 1.8.2026-31.7.2027 2026 almmuhuvvo ohcan láhkai manjimustá cuoŋománu 2026.

Čuvgehuslávdegoddi	§ 82	30.09.2025
Gielddaráđđehus	§ 191	21.10.2025

Mearrádus Mearrádusevttohusa mielde

Gr 21.10.2025 § 191
159/12.00.03/2025

Áššemeannudeaddji Gielddahoavda Päivi Kontio

Mearrádusevttohus Gielddaráđđehus dohkkeha lassemearreruđa jahkái 2025
Sámegielaide gáiddusoahpahus prošehtii 2025-2027 ja evttohan dain
ain váldostivrii dohkkehanláhkai. Jagiid 2026 ja 2027 dáfus fidnu
váldojuvvo vuhtii bušeahttaárvalusa gárvvisteamis.

Mearrádus Evttohus dohkkehuvvui.

Gielddaráđdehus

§ 192

21.10.2025

Doaibmaorgánaid mearrádusat

Gr 21.10.2025 § 192

Lávdegottiid beavdegirjjit galget doaimmahuvvot gielddahovdii njealji beaivvi geažes beavdegirjji dárkkisteamis. Gielddaráđdehusas lea váldinvuoigatvuohta lávdegottiid, iežas juhkosa ja vuollásaš stivrra ja virgehálddašeaddji mearrádusaide. Váldinmearrádusa sáhtá dahkat gielddaráđdehus dahje dan ságadoalli, gielddahoavda dahje stivrennjuolggadusas mearriduvvon virgehálddašeaddji. Váldinvuoigatvuođa galgá geavahit maŋimustá njulgengáibádusáiggi siste. Geavatlaččat gielddahoavda dárkkista lávdegottiid mearrádusaid. Go gielddaráđdehus váldá beali váldinvuoigatvuođa geavaheapmái, merkejuvvojit dasa doaimmahuvvon beavdegirjjit diehtun ja seammás mearriduvvo, ahte váldinvuoigatvuohta ii geavahuvvo beavdegirjjiid sisdollui gullelaš áššiin. Beavdegirjjiid kopijiat eai laktojuvvo gielddaráđdehusa beavdegirjái, muhto dat galget leat lahtuid geavahusas gielddaráđdehusa čoahkkimiin.

Čuovvovaš doaibmaorgánaid beavdegirjjit leat oaidnin láhkai čoahkkinbáikkis: Čuvgehuslávdegoddi 30.9.2025.

Mearrádusevttohus

Gielddaráđdehus merke diehtun doaibmaorgánaid mearrádusaid ja gávnaha, ahte GieldaL 51 § váldinvuoigatvuohta ii leat geavahuvvon.

Mearrádus

Evttohus dohkkehuvvui.

Gielddaráđdehus

§ 193

21.10.2025

Áššit diehtun

Gr 21.10.2025 § 193

Mearrádusevttohus Gielddaráđdehus merke diehtun čuovvovaš áššebáhpáriid:

Lappi buresveadjinguovlu

- Lappi guovllustivrra čoahkkindieđáhus 22.9.2025
- Lappi buresveadjinguovlu- Guovllustivrra čoahkkindieđáhus 29.9.2025
- Lappi buresveadjinguovlu- Guovllustivrra čoahkkindieđáhus 6.10.2025

Eana- ja meahccedoalloministeriija

- Eana- ja meahccedoalloministeriija vástáduš Ohcejoga gildii Deanu buggeluossabuođu burgimii

Soađegili giella - Birasjuhkosa beavdegirji 24.9.2025

- Birasjuhkosa čoahkkingieđahallan ja beavdegirjjit váldostivrabajis 2025-2029
- Birassuodjaleami vástusuorggi bušeahttaárvalus jahkái 2026
- Birasjuhkosa ságadoalli ja várreságadoalli válljen jagiide 2025-2027

Mearráduš

Merkejuvvojedje diehtun.

Ohcejoga gieldda háhkanráva

Gr 21.10.2025 § 194

123/02.08.00/2025

Háhkanlága ulbmilin lea beavttálmahttit almmolaš váriid geavaheami, ovddidit buriid, innovatiivvalaš ja bistevaš háhkamušaid dahkama sihke dorvvastit fitnodagaid ja eará servošiid ovtaveardásaš vejolašvuodaid fállat gálvvuid, bálvalusaid ja huksenagoarttaid almmolaš háhkamušaid fáladatgilvvuin.

Háhkanláhka heivehuvvo dušše daidda háhkamušaide, mat mannet badjel EU bajimuš árvvuid ja álbmotlaš bajimuš árvvuid. Bajimuš árvvuid vuollái báhcci nu gohčoduvvon smávvháhkamušaide ii heivehuvvo háhkanláhka. Bajimuš árvvuid vuollái báhcci háhkamušaid oasil háhkanovttadagas lea nappo viiddes árvvoštallanváldi heivvolaš sosiálalaš kriteraid geavaheamis. Háhkanlága mielde buot háhkamušain galgá goit geahččalit váldit vuhtii háhkamuša sturrodaga ja viidodaga ektui doarvái duhtadahtti ja áššáigullelaš rabasvuoda ja vealatkeahtesvuoda.

Ohcejoga gielddas ii leat leamaš ovdal háhkanstrategiija dahje -ráva. Dál lea oidnojuvvon dárbbaslažžan gárvvistit dakkára, vai gildii fitnašuvvet oktilis čielga doaibmanvuogit háhkamiidda ja dan bokte maddái gieldda mearrádusdahkamii čađačuovgilvuoda. Háhkanrávvaga lea oaivil čuovvut oppa Ohcejoga gielddas ja gieldda vuolleservošiin, main gielddas lea mearrideaddji sajádat. Háhkanstrategiija sihke háhkanrávvagat ollašuhttet oasilteaset gieldastrategiija ja gieldda eallinfámu ovddideami. Háhkanstrategiijain ollašuhttojit bušeahttaárvalusas meroštallon mihttomearit.

Háhkanráva leamašan cealkima vuolde BDO:s.

Áššemeannudeaddji

Gielddahoavda Kontio Päivi

Mearrádusevttohus

Gielddaráđđehus dohkkeha Ohcejoga gieldda háhkanrávvaga ja evttoha dan ain váldostivrii dohkkehanláhkai. Lassin gielddaráđđehus fápmuda gielddahoavdda beaivádit ja bajásdoallat háhkanrávvaga.

Mearrádus

Evttohus dohkkehuvvui.

Čuvvosat

Čuovus 1 Ohcejoga gieldda háhkanráva

Nuppástusohcanráva guoská paragrafaid: § 180, § 181, § 182, § 183, § 184, § 186, § 187, § 188, § 189, § 190, § 191, § 192, § 193, § 194

NUPPÁSTUSOHCANGIELDU

Dán mearrádusas ii oaččo dahkat vuigengáibádusa iige gielddaváidaga, dasgo mearrádus guoská

- gielдалáга 136 § mielde dušše válmmaštallama dahje ollašuhhtima
- bargo- dahje virgeeaktosoahpamuša dulkoma, heiveheami
- bargojodihan- ja bearráigeahččanvuoigatvuodá geavaheami

Nuppástusohcanráva guoská paragrafaid: § 185**VUIGENGÁIBÁDUSRÁVVAGAT**

Dán mearrádussii duhtameahttun olmmoš sáhttá dahkat čálalaš vuigengáibádusa. Mearrádussii ii oaččo ohcat nuppástusa duopmostullui váidimiin.

Vuigengáibádusvuoigatvuohta

Vuigengáibádusa oažžu dahkat:

- dat, geasa mearrádus lea čujuhuvvon dahje gean vuoigatvuhtii, geatnegasvuhtii dahje ovdii mearrádus njuolga váikkuha (*áššáiosolaš*), ja lassii
- gieldda lahttu.

Vuigengáibádusáigi

Vuigengáibádusa galgá dahkat 14 beaivve geažes das, go lea ožžon mearrádusa diehtun.

Vuigengáibádusa galgá doaimmahit Ohcejoga gieldda registrerenkantuvrii mearreáiggi manimus beaivve ovdal, go registrerenkantuvra giddejuvvo.

Gehččojuvvo, ahte *áššáiosolaš* lea ožžon mearrádusas dieđu, jos ii eará čájehuvvo, čieža beaivve geažes reivve sáddemis. Go geavahuvvo dábálaš elektrovnnalaš diehtunaddin, de gehččojuvvo, ahte *áššáiosolaš* lea ožžon mearrádusas dieđu, jos ii eará čájehuvvo, goalmát beaivve dieđu sáddemis.

Gehččojuvvo, ahte *gieldda lahttu* lea ožžon mearrádusas dieđu čieža beaivve geažes das, go beavdegirji lea leamašan oaidninláhkai almmolaš diehtofierpmis.

Diehtunoažžunbeaivi ii rehkenastojuvvo vuigengáibádusáigái. Jos njulgengáibádusáiggi manimus beaivi lea iehčanasvuođabeaivi, válborbeaivi, juovla- dahje jonssotruohtta dahje árgalávvardat, de njulgengáibádusa oažžu doaimmahit vuosttas árgabeaivve dan manjá.

Vuigengáibáduseiseváldi

Eiseváldi, geasa vuigengáibádus dahkkojuvvo, lea Ohcejoga gielddaráđdehus

Registrerenkantuvrra oktavuodadieđut:

Boastačujuhus:	PL 41, 99981 OHCEJOHKA
Uksačujuhus:	Luossa 1a, 99980 OHCEJOHKA
E-boasta:	gielddavirasto@utsjoki.fi
Telefonnummir:	+358 40 188 6111

Registrerenkantuvra lea rabas vuossárggas bearjadahkii dii. 9.00 – 15.00.

Vuigengáibádusa hápmi ja sisdoallu

Vuigengáibádusa galgá dahkat čálalaččat. Maiddái elektrovnnalaš áššegirji deavdá čálalaš hámi gáibádusa.

Vuigengáibádusas galgá almmuhit:

- mearrádusa, masa ohcá vuigema
- mainna láhkai mearrádusa galgá vuiget
- maiguin ákkaiguin gáibida vuigema.

Vuigengáibádusas galgá lassin almmuhit dahkki nama, ruovttugieldda, boastačujuhusa ja telefonnummira.

Jos vuigengáibádusmearrádusa sáhhtá addit diehtun elektrovnnalaš diehtun, de bivdit almmuhit oktavuođadiehtun maiddái e-boastačujuhusa.

Beavdegirji

Mearrádusa guoskevaš beavdegirjji váldosiid ja mildosiid sáhhtá bivdit Ohcejoga gieldda registrerenkantuvrras.

Beavdegirji lea 28.10.2025 biddjon albmossii almmolaš diehtofierpmádahkii čujuhussii www.utsjoki.fi.